

# Inuit Innarluutillit pillugit Siunnersuisooqatigiit aamma Suliffeqarnermut Isumaginninnermullu Ataatsimiititap ataatsimeeqatigiinneranniit imaqarniliaq

*Marlunngorneq 21. februaari 2023, nal 09:30  
Sumi: Kommunip allaffiani Kommunalbestyrelsip ataatsimiittarfiani*

## **Ataatsimiinnermi peqataasut:**

### Inuit Innarluutillit pillugit Siunnersuisooqatigiinnit

Karin Thorsen (Siulittaasoq)  
Inge Olsvig Brandt (Ilaasortaq)  
Mathias Knude Brusgaard (Ilaasortaq)  
Lisa Nielsen (Ilaasortaq)  
Cecilie Marie Hardenberg (Ilaasortaq)  
Riikki Grønvold (Ilaasortaq)

Peqataasinnaanani nalunaartog:  
Arnajaaq Lynge (Siulittaasup tullia)

### Suliffeqarnermut Isumaginninnermullu Ataatsimiititamiit

Inge Olsvig Brandt (Siulittaasoq)  
Lone Rosengren Pedersen (Siulittaasup tullia)  
Mala Høy-Kuko (Ilaasortaq)  
Harald Bianco (Ilaasortaq)

Peqataasinnaanani nalunaartog:  
Poul Petersen (Ilaasortaq)  
Julia Lynge Ezekiassen (allatsi)

### Suliffeqarnermut Isumaginninnermullu Ingerlatsivik

Ejner Grønvold (Pisortaq)  
Bea Lennert (Suliffeqarnermut tunngasuni Fagcheffi)  
Mathias Knude Brusgaard (Innarluutilinnut tarnikkut nappaatilinnullu Immikkoortortaqarfimmut fagcheffi)  
Naja Anelouise Heilmann (Allatsi)  
Cecilie Victoria Schierbeck (Oqartussaaffeqarfimmi Fagcheffi)  
Kirstine Ivarsen (AC-fuldmægtigi)

# Imaqarniliaq:

## 1. Tikilluaqqusineq ilisaritseqatigiinnerlu

Inuit Innarluutillit pillugit Siunnersuisooqatigiit Kommuneqarfik Sermersuumilu Suliffeqarnermut Isumaginninnermullu Ataatsimiititap ukiumoortumik ataatsimiinnerannut atatillugu Innarluutilinnut tarnikkut nappaatilinnullu Immikkoortortaqaqarfimmut fagchefti tikilluaqqusillunilu ullormut pilersaarut saqqummiuppaa. Ataatsimiinnermi peqataasut tamarmik ataasiakkaarlutik imminnut ilisaritipput.

## 2. Inuit Innarluutillit pillugit Siunnersuisooqatigiit atuuffii suliassaallu

Inuit innarluutilinnut tarnikkullu nappaatilinnut Immikkoortortaqaqarfimmi fagchefip Inuit innarluutillit pillugit Siunnersuisooqatigiit ileqqoreqqusaanut tunngatillugu Inuit innarluutillit pillugit Siunnersuisooqatigiit atuuffii suliassaallu saqqummiuppai.

## 3. Innarluutilinnut suliassaqaqarfimmut killiffimmik nalunaarusiaq

Inuit Innarluutillit pillugit Siunnersuisooqatigiit piffissami 27. septembari 2021-miit januaari 2023-mut sulinerannut killiffimmik nalunaarusiaq siunnersuisooqatigiit siulittaasuannit saqqummiunneqarpoq – nalunaarusiaq ilanngussami atuarneqarsinnaavoq.

## 4. Inuit innarluutillit sulinissamut ilinniarnissamullu periarfissaat unammillernarsinnaasullu.

Inuit innarluutillit tarnikkullu nappaatilinnut Immikkoortortaqaqarfimmi fagchefti Kommuneqarfik Sermersuumi innuttaasut ukioq 2022-mi sammisaqartitsinermi aningaasarsisimasut naatumik saqqummiullugit aallarniivoq.

Suliffissaqarnermut tunngasunut fagchefti Kommuneqarfik Sermersuumi innuttaasut innarluutillit suliffeqarnermut ilinniarnermullu periarfissat unammillernarsinnaasullu pillugit saqqummiivoq.

## Inunnut immikkut pisariaqartitsisunut naleqqussaaneq

Suliffissaqarnermut tunngasunut fagchefip ilisimatitsissutigaa atuarfiit, ilinniarfeqarfiit suliffiillu amerlanerit inunnut immikkut ikorfartorneqarnissamik pisariaqartitsisunut tulluussagaangitsut. Majoriami inunnik immikkut ikorfartorneqarnissamik pisariaqartitsisunut tunngasunik suliqaarnissamut piginnaasalinnik sulisoqanngilaq. Majoriami ilinniartoqarpoq immikkut pisariaqartitsisunik - suussusersineqarsimasunik suussusersineqarsimanngitsunillu - unammillernartitatik pillugit ilinniarnerminnik unitsitsiinnartartunik ass. klassini annerusuni atuartitsinermiinnissamik peqataanissamik. Taamaammat kommunitinni pisariaqartinneqarpoq inuit immikkut pisariaqartitsisut illersugaasumik atuarfeqalernissaat, naleqquttunillu ilinniarsimasunik paasinnissinnaasunillu ilinniartitsisoqarnissaat.

## Meeqqat atuarfii majoriarlu

Suliffissaqarnermut tunngasunut fagchefip ilisimatitsissutigaa, meeqqat atuarfii Majoriarlu imminnut ugartornermi paasissutisseeqatigiinnermilu sukkanerulersimasut, aqqqissuussaasumik suleqatigiittoqalermat. Taamaasillutik sukkanerusumik atuartut meeqqat atuarfiannik naammassinnittut soraarummeerutaasunilli karaktereqanngitsut pillugit ugartuisoqarsinnaavoq aqqutissiuussisoqarlunilu.



Meeqqat atuarfiata naammassinnginnerani atuartut iliuusissatut pilersaarusiorfigineqarnissaata pingaaruteqassusaa Inuit Innarluutillit pillugit Siunnersuisooqatigiit siulittaasuata erseqqissarpaa.

Suliffeqarnermut Isumaginninnermullu Ataatsimiitami siulittaasup atuartut inaarutaasumik meeqqat atuarfianik naammassinnittartut karaktereqanngitsut amerliartornerannut peqqutaasoq atuarfeqarnermut immikkoortortap paasissutissiissutigissagaa kissaatigaa.

### **Norgemi Ataatsimiitap angalanera**

Suliffeqarnermut Isumaginninnermullu Ataatsimiitap angalaneranut atatillugu ataatsimiitamit ilisimatitsissutigineqarpoq Norgemi innarluutillit najugaqatigiiffiini sulisut immikkut ittumik ilinniagaqarsimasuusut.

Ilinniarneq eqaatsumik aqqissuussaavoq sulisullu immikkut ittumik suliassaannut najugaqatigiiffiullu sullinniagai assigiinngitsunut tulluussagaalluni ingerlanneqartarluni.

### **Naggasiineq**

Suliffeqarnermut Isumaginninnermullu Ataatsimiitamit paasissutissat saqqummiunneqartut tusaatissatut tiguneqassasoq. Ataatsimiitami siulittaasup Inuit Innarluutillit pillugit Siunnersuisooqatigiit aamma Suliffeqarnermut Isumaginninnermullu Ingerlatsiviup suliaanut qujassuteqarfigai.

